

PARS QUINTA.

CAPUT PRIMUM.

DE OLEIS.



Lea sunt Liquores unctuarii inflammabiles,
& leves.

Olea in Pharmacopoliis servanda sunt.
Vel sponte producta, vel per expressionem elicitam, infusionem, coctionemve medicata, seu distillatione extracta.

Sponte producta, ut Petroleum, sive Oleum Terræ,
&c. Balsamum de Tolù, Mariæ, Album Peruvianum, &c.

Per expressionem, ut Oleum Vitellorum ovorum,
Amygdalarum dulcium, &c.

Per infusionem, & coctionem, ut Oleum Catellorum,
Rosarum, &c.

Per distillationem, ut Oleum Cinnamomi, Caryophyllorum, &c.

DE OLEIS PER EXPRESSIONEM ELICITIS.

Oleum, simpliciter dictum, est Oleum Olivarum, &
in quatuor species dividitur, videlicet:

Omphacinum ex Olivis nondum perfecte maturis expressum.

Virgineum, ex Olivis maturis spontaneè defluit.

Complectum, ex dictis Olivis maturis expressum.

Amurca est fex Olei, in doliolis inventa.

OLEUM AMYGDALARUM DULCIUM.

R. Amygdalarum dulcium siccarum integrarum, non rancidarum, libras sex.

Terantur in mortario lapideo, cum pistillo ligneo minutissimè, & diutissimè, dein sacco cannabino immittantur, ac torculari, lentè primum, & lenitè, tum fortitè exprimatur Oleum, usui asservandum.

Internè, recens, & sine igne (ut dictum est) expressum, & non rancidum adhibendum.

Ad dolores pleuriticos, nephriticos, colicosque mitigandos, ad alvum laxandam, leniendam acrimoniam seri urinarii, urinamque pellendam commendatur, prodest etiam in raucedine, tussi, aliisque pectoris affectibus, partum faciliat, & ad dolores post partum inservit, infantibus quoque recens natis propinatur.

Dosis ab uncia semis ad uncias duas, vel tres, &c.

Clysteribus etiam admiscetur, ad colicam, & fœces induratas, ac similes affectiones. Pro linimentis in dolore nephritico, similibusque infirmitatibus, in quibus mitigare dolores, emollire, & laxare desideratur.

Si vis cum igne conficere OLEUM, sequenti parabis modo.

Massam remanentem ex Oleo Amygdalarum dulcium, suprâ descripto, minutissimè tere, ac per cribrum trajice; dein in sartagine, vel in alio vase idoneo, igne lento calefac, assidue cum spathula lignea, huc, & illuc movendo, tantillo aquæ tepidæ sensim aspergendo, donec massa optimè rubescat, ac inter digitos compressa, aliquid Olei exudet, tunc (ut dictum est) exprimatur Oleum, quod defœcatum reconde ad usum.

Pari modo fiunt Olea

Amygdalarum amararum,
Nucum Juglandium,
Avellanarum,
Quatuor Seminum frigidorum majorum,
Seminis Lini,
Sesaminis, & similia.

OLEUM DE VITELLIS OVORUM.

R. Ova elixatione indurata, . . . quot volueris. Ex his vitellos duos exime, & comminutos, in sartagine igne moderato assa, spathula assidue movendo, donec ex flavo rubescant, & pinguedinem quandam emittant, ac exudent, tunc ferventes in sacculo pilis contexto excipe, præloque calido, festinanter exprime, ut Oleum effluat, expressum usui reponendum.

Cutis foeditatem, ex ambustione, & variolis aufert: aurium, dentium, sedandisque doloribus convenit, rhagadibus utile, manuum, pedum, anique fissuras sanat, ulcerum, & vulnerum, cum Terebinthina mistum (*DIGESTIVI* nomine) suppurationem promovet.

OLEUM BACCARUM LAURI.

R. Baccarum Lauri maturarum, . . . quot volueris. Tritæ, ex aqua communi coquantur, fortiter exprimantur in vas subjectum, refrigeratum Oleum pinguedinis instar aquæ supernatans colligatur, & fervetur.

Carminativa virtute, anodynaque pollet, ideò in doloribus colicis, & aliis perutile habetur, ac nervorum vitis, cutaneisque valde proficuum.

Qq

OLEUM NUCIS MOSCHATÆ.

R Nucis Moschatæ mediocritèr pulveratæ,
 libram unam.

Supra cribrum inversum, & coopertum, vaporì aquæ ferventis per horæ semiquadrantem expone, ut penitus humescat, & calefiat; tunc sacculo denso inclusa prælo calido promptè exprimatur, & stillabit Oleum crassum, usui servandum.

Hoc Oleum internè, & externè adhibetur; internè pro alvi fluxu compescendo: in infantibus cum pulte utitur; externè intestinis roborandis, & ventriculo prodest.

Simili modo parantur Olea

Nucleorum Cacao,

Seminis Anisi,

Fœniculi,

Carvi,

Anethi,

Hyosciami,

Papaveris albi,

Cannabis,

& similia.

CAPUT II.

DE OLEIS PER INFUSIONEM, ET DECOCTIONEM

PARATIS.

OLEUM ROSATUM.

R Olei Olivarum, libras octo.
 Rosarum Rubrarum, & Pallidarum recentium,
 apertarum, & contusarum, ana libras duas.

Excipiantur vase idoneo , & macerentur in Sole , aut calido loco per triduum , aut quatrimum , deindè lenitèr coquantur ad humidi aquosi consumptionem : tunc cola , & fortitèr exprime ; denuò maceratio , & decoctio cum eadem Rosarum quantitate , ut supra reiteretur , coletur , usuique fervetur.

Inflammationes sedat , cerebri doloribus , ac vulneribus prodest.

Eodem modo parantur Olea

Roris Marini ex Summitatibus Floridis,
 Anethi è Summitatibus ,
 Absynthii ex Foliis , & Summitatibus ,
 Chamæmeli ex Floribus ,
 Liliorum Alborum ex Floribus abjecto luteo ,
 Menthæ ex Foliis ,
 Myrthini ex Foliis , & Baccis ,
 Nymphææ ex Floribus albis abjecto luteo ,
 Rutæ ex Foliis ,
 Sambuci ex Floribus ,
 Solani ex Foliis , & Baccis cum Oleo Rosato ,
 Cicutæ ex Foliis ,
 Hyosciami ex Foliis ,
 Nicotianæ ex Foliis ,
 Majoranæ ex Summitatibus ,
 Verbasci ex Floribus .

OLEUM HYPERICI.

R. Summitatum Hyperici cum Floribus , levitèr contusarum, libram unam & semis.
 Olei Olivarum , libras sex.

Macera in loco calido per dies septem , & levitèr coque , cola , ac in expresso adde eandem quantitatem Hyperici , & repete macerationem , & coctionem ; tertia vice summitates alias , pari quantitate , & paululùm siccatas ,
 Qq ij

in eodem Oleo adjice, ac relinque per quatuor dies, cola, & usui ferva.

Calefacit, & ficcatur, undè doloribus, à frigore contractis, ischiadicis præsertim, & varicibus utiliter adhibetur; nervorum punèturis, ac vulneribus efficacissimum est.

OLEUM DE MUCILAGINIBUS.

R. Radicum Althææ recentium, & in taleolas sectarum, libras duas.
Seminis Fœnugræci, }
Lini, } ana libram unam.
Aquæ calefactæ, viginti libras.

Macerentur supra cineres calidos per horas viginti quatuor, identidem agitando, dein liquor mucilaginosus coletur, & fortitè exprimatur, expressio adde

Olei Olivarum, libras octo.

Coquantur igne lento ad humiditatis ferè consumptionem, cavendo, ne aduratur mucilago, tunc fiat colatura sine expressione, & Oleum colatum fervetur ad usum.

Emollit, calefacit, & humectat, pectoris dolorem à causa frigida contractum lenit, pleuriticisque doloribus, felicissimè succurrit, viscerum, & nervorum duritiem laxat.

OLEUM CYDONIORUM, SEU MELLINUM.

R. Cydoniorum immaturorum, rejectis Seminibus, scobina de- }
raforum, } ana uncias octo.
Succi aliorum Cydoniorum, }
Olei, libras sex.

Misce in vase vitreato, supra cineres calidos infunde per triduum, dein lento calore coque ad Succi consumptionem. Expressis Cydoneis, æqualis Cydoniorum, & Succi

quantitas infundatur, denuò coquatur, & exprimatur, oleumque colatum, & defœcatum reconde ad usum.

Astringit, & refrigerat, ad ventriculi, & jecoris imbecillitatem persalutare, vomitum sistit, Lienteriæ, & Diarrhœæ levamen affert.

OLEUM MASTICHINUM.

R. Mastiches electæ, uncias sex.
Olei Rosati, libras duas.

Simul vase fictili vitreato angustii orificii excepta, leni calore ad integram Mastiches in Oleum dissolutionem destineantur. Dein cola, & usui serva.

In affectibus ventriculi, & intestinorum prodest, concoctionem alimentorum adjuvat, in Lienteria, & Diarrhœa, aliisque fluxibus ventris, externè inunctum, & in Clysteribus admistum, egregium est.

OLEUM EUPHORBII.

R. Euphorbii pulverati, unciam unam & semis.
Olei communis, libram unam & semis.

Misce in vase fictili vitreato, ac lento igne Euphorbium probè dissolvatur, cola, & usui serva.

Resolutivum est, nervorum contractionibus, ac doloribus articulorum prodest; tumores duros emollit, atque resolvit.

OLEUM LUMBRICORUM.

R. Lumbricorum terrestrium, ter aqua tepida lotum, libras duas.
Vini Rubri, uncias sex.
Olei Olivarum, libras tres.

Coquantur simul in vase idoneo, usquedum vinum con-

310 PHARMACOPOEA MATRITENSIS.

sumptum fuerit, & lumbrici contabuerint, expressum Oleum colatum, ac defœcatum serva.

Nervos roborat, juncturarum doloribus, spasms, & contracturis convenit, in nervorum vulneribus, ac puncturis laudatur.

OLEUM NARDINUM SIMPLEX.

R. Spicæ Nardi, uncias tres.
 Olei communis, libram unam & semis.
 Vinî generosi, uncias quatuor.

Simul per octiduum in vase fictili vitreato macerentur in loco calido, cooperto vase: dein igne lento, ad ferè Vinî consumptionem decoquantur. Cola, & exprime, Oleumque defœcatum ad usum serva.

Si COMPOSITUM desideras, adde

Majoranæ,	}	ana unciam semis.
Radici Enulæ,		
Calami Aromatici,		
vel Acori veri,		
Cyperî rotundi,		
Schoenanthi,		
Foliorum Lauri,	}	
Cardamomi,		

Contundantur omnia, & per triduum macerentur in Vinî albi optimi, unciis sex.

Dein adde

Olei communis, libram unam.

Coquantur lento igne ad Vinî consumptionem, coletur, & usui servetur.

Cerebri, & nervorum affectus frigidos sanat, aurium dolores mitigat, tremulis, & Paralyticis confert; ventriculi affectibus auxiliatur, concoctionemque juvat.

OLEUM SCORPIONUM SIMPLEX.

R. Scorpiones terrestres vivos, . . numero centum.
 Olei Amygdalarum amararum, seu communis,
 libras tres.

Suffocentur in Oleo, & ferventur ad usum in vase clauso.

Aliqui per triginta dies insolant, postea colant, & usui servant.

Ad urinam pellendam, & calculum promovendum commendatur, regioni renum, pubis, & vesicæ impositum, solatio est.

OLEUM CASTOREI.

R. Castorei optimi, minutim incisi, & contusi, .
 uncias duas.
 Olei communis, libras duas.
 Vini albi optimi, uncias quatuor.

Coquantur igne lento per quadrantem horæ in vase clauso, postea Oleum absque colatura ad usum serva.

In affectibus uterinis, & convulsionibus laudatur, in nervorum contracturis, Paralyticisque auxilio est.

OLEUM CROCI.

R. Croci optimi, unciam unam.
 Calami aromatici, seu Acori }
 veri, } ana unciam semis.
 Cardamomi Minoris, . . . }

Contunde, & macera in loco calido per dies quinque in

Vini optimi, libra semis.
 Postea adde

Olei Olivarum, . . . libram unam & semis.

312 PHARMACOPOEA MATRITENSIS.

Coquantur igne lento ad Vini consumptionem, & Oleum percolatum serva.

Anodynum est, nervos roborat, uteri dolores lenit; ejusque, & aliarum partium tumores duros resolvit.

OLEUM IRINUM.

R. Radicum Ireos nostratis recentium, & contusarum, libram unam & semis.
Olei Olivarum, libras tres.

Macerentur in vase fictili vitreato lento igne, per viginti quatuor horas, bulliant ad humiditatis fere consumptionem, Oleum exprime, & adde

Florum Ireos, libram semis.

Digere lento igne in Balneo Cinerum per duodecim horas: coque ad humidi consumptionem, cola, & usui serva.

Resolutivum est, attenuat, digerit, & in tumoribus frigidis utile est.

OLEUM, seu BALSAMUM CATELLORUM.

R. Catellos recens natos, numero tres.
Lumbricorum terrestrium, libram unam.
Olei Olivarum ferventis, libras quinque.

Coquantur ad ossium fere compaginis dissolutionem.

Fiat colatura, & expressio; colato tepido adde

Summitatum Origani,	} ana uncias duas.
Serpylli, seu thymi,	
Pulegii,	
Hyperici,	
Majoranæ,	

Insolentur per dies quindecim, postea cola, & exprime, in expresso dissolve

Terebinthinæ claræ, uncias quatuor.

Dein Oleum defœcatum reconde ad usum.

Nervinum est, quare in podagra, paralyfi, & omnibus affectibus nervorum, ab humoribus frigidis, ac viscosis productis, infervit, & partes debiles roborat.

OLEUM VULPINUM.

R. Vulpem pinguem pelle nudatam, ab intestinis repurgatam, in frusta cum ossibus comminutam.

Salis communis, uncias tres.

Summitatum Anethi, . . .
Thymi, . . . } ana uncias duas.
Chamaepytios, . . .

Injiciantur in

Aquæ, &, . . . } ana sufficienti quantitate.
Vini albi, . . .

Coquantur in vase clauso, donec ab ossibus partes separentur carnosæ. Cola, & adde

Olei Olivarum, libras octo.

Foliorum Salviæ, . . . } ana uncias duas.
Roris Marini, . . .

Bulliant iterum ad humidi consumptionem: cola, & Oleum defœcatum ferva.

In omnibus articulorum frigidis affectibus valet; digerit, & discutit humores in nervis contentos.

OLEUM DE CAPPARIBUS.

R. Gemmarum Capparis, seu Florum, nondum expanforum aceto conditorum, . . . uncias octo.

Corticis Radicum Capparum, . . . uncias duas.

Tamarisci, . . .
Seminis Agni Casti, . . . } ana semiunciam
Radiciis Cyperi rotundi, . . .
Foliorum Tamarisci, . . .

Asplenii, seu Scolopendriæ, . . .

Rr

Rutæ, drachmas duas.
 Olei communis, libras tres.
 Vini albi, uncias sex.

Parùm trita, & incisa misceantur, ac macerentur per triduum loco calido, postmodum coquantur ad humiditatis consumptionem: Oleum percolatum, defœcatumque serva.

Attenuat, digerit, ac resolvit duritiem omnem, splenis obstructions solvit, ejusque dolorem lenit.

OLEUM ANTI-PLEURITICUM.

R. Corticum Cucurbitæ longæ mundatorum, in frustula incisorum, } ana libras sex.
 Olei communis, }

Coquantur simul ad humiditatis consumptionem, coletur, & in colatura extinguantur frusta ferri, seu chalybis candefacta, in vase fictili vitreato, quod statim cooperiatur, ne Oleum flammam concipiat, dein detracta, denuò candefiant, & extinguantur, repetendo oſties, Oleumque defœcatum ad usum fervetur.

Externa inunctione egregium est anti-pleuriticum.

OLEUM SCORPIONUM COMPOSITUM.

R. Summitatum Floridarum Hyperici, libram unam.
 In Olei Olivaram, libris sex.
 Per septem dies infusa, seu in loco calido macera, dein cola, colaturæ adjice

Summitatum Hyperici, cum floribus, & semine levitèr contusarum, . . . libram unam.

Denuò macerentur, coquantur, & colentur; in oleo colato infunde

Comarum Hyperici semine onustarum, . . .
 „ libram unam.

Foliorum Scordii, uncias duas.

Chamædryos, . . }
Calaminthæ, . . } ana unciam unam.
Cardui Benedicti, . . }

Comarum Centaurii minoris, . . }
Verbenæ, } ana semiunciam.
Dictamni Cretici, . . }

Incisa macerentur per biduum in vase clauso, ac igne lento per horas tres digerantur, cola, & exprime, colaturæ adde

Cinnamomi acuti, . . . }
Baccarum Juniperi, . . . } ana drachmas tres.
Santali Citrini, . . . }
Theriaca, }

Mithridatii, }
Radicum Zedoariæ, . . . }
Dictamni albi, . . . }
Tormentillæ, . . . } ana drachmas duas.
Aristolochiæ rotundæ, . . . }

Benzoini, }
Styracis, }
Myrrhæ electæ, . . . } ana drachmam unam
Rhabarbari, } & semis.
Aloes Soccotrinæ, . . . }

Nardi Indicæ, }
Seminis Nigellæ, . . . } ana scrupulos quatuor.
Schoenanthi, }
Cyperi, } ana drachmam unam.
Crocī, }

Vini albi generosi, quantitatem sufficientem.

Contundenda, contundantur, ac in vase clauso per octiduum infundantur, postea igne lento secundum artem.

Rr ij

316 PHARMACOPOEA MATRITENSIS.

decoquantur, colentur, & exprimantur, in colato Oleo suffocentur.

Scorpiones terrestres, recentè collecti, vita fungentes, numero trecentos.

Digerantur per triginta dies in vase vitreo benè clauso, dein cola, & Oleum defœcatum ad usum serva.

Vulnerarium, alexipharmacum, & resolutivum est, Viperarum, ac venenatorum animalium moribus subvenit, in peste, aliisque morbis malignis, pulsibus, cordi, temporibusque, illinitum, non sine fructu utitur, & in vulneribus recentibus, ulceribusque laudatur; adversus omnia venena stupefiantia, & sanguinem spissantia, per os assumptum, efficacissimum est auxilium.

OLEUM LIGNI GUAJACI.

R. Ligni Guajaci resinosi scobina rasi, libras duas.
Lixivii fortissimi ex Cineribus Querci facti, .
. libram unam & semis.

Simul per octiduum macerentur, dein adde

Olei communis,		libras octo.
Anethi,		} ana uncias octo.
Chamæmeli,		
Baccarum Lauri,		

Incisa, per dies quatuor digerantur, deindè ad humiditatis consumptionem decoquantur; coletur, & in Oleo colato, lento igne dissolve

Gummi Tacamahacæ, uncias octo.

Denuò cola, & Oleum depuratum usui serva.

Resolvit, attenuat, digerit humores crassos, & viscidos, in juncturarum doloribus, venereis, rheumaticisque proficit.

OLEUM, seu BALSAMUM APARITH VIRIDE.

R. Olei Olivarum, libras duodecim.
 Summitatum Roris marini, } ana libram unam
 Hyperici, . . . } & semis.
 Rutæ,
 Absynthii,
 Chamæmeli,
 Verbasci, } ana uncias sex.
 Centaurii minoris, }
 Sanguinariæ,

Foliorum Lentisci,

Scindantur, & cum Oleo, per triginta dies in Sole,
 seu calido loco digerantur, deinde adde

Lumbricorum terrestrium, . . . libram unam.

Coquantur lento igne ad humiditatis consumptionem,
 cola, & in colatura dissolve

Terebinthinæ optimæ, libras tres.

Gummi Juniperi, uncias quatuor.

Denuò colentur, postea adde

Pulveris Myrrhæ electæ, . . . } ana uncias quatuor.
 Thuris masculi, . . . }

Mastiches, uncias duas.

Sanguinis Draconis, . . . unciam unam.

Aloes Hepaticæ, femiunciam.

Misceantur optimè cum Oleo calido, iterum per tri-
 duum digerantur: coletur Oleum, & ad usum reponatur.

Vulnerarium est præstantissimum, recentia vulnera con-
 glutinat, vetera carne implet, & ad cicatricem ducit.

OLEUM ANTHELMINTHICUM.

R. Olei veteris, libras duodecim & semis.
 Fellis Taurini, libras duas & semis.

318 PHARMACOPOEIA MATRITENSIS.

Cornu Cervi præparati, . . . unciam unam.

Radicis Dictamni albi, . . . }
Gentianæ, . . . } ana uncias duas.
Valerianæ, . . . }

Floris Centaurii minoris, manipulos quinque.

Seminis Sancti, . . . unciam unam & semis.

Colocynthis, . . . uncias sex.

Omnia secundum artem parata infundantur in vase idoneo, & insolentur per quadraginta dies, postea coquantur in Balneo arenæ humidæ, vel vaporis ad humiditatis consumptionem, & coletur.

Adde

Olei Spicæ odoratæ, . . . uncias duas.

Adversus lumbricos in infantibus præsidio est, umbilicali regioni illinitum.

OLEUM SANCTUM.

R. Olei veteris, . . . libras sex.
Vini Renani, . . . libras tres.

Macera in mense Augusti, usque in Solem Februarii, & adde

Florum Roris Marini, . . . }
Florum Hyperici, . . . } ana libras duas.

Macera, & adde

Myrrhæ, . . . }
Olibani, . . . }
Carnis Mumia, . . . } ana unciam semis.
Crocī, . . . }
Sacchari Candi, . . . }

Digere

Extrahe humiditatem, & adde

Terebinthinæ Venetæ, . . . unciam semis.

Exprime fortiter addendo

Balsami Peruviani liquidi, . . . uncias duas.

Et insola per dies quindecim.

Vulnerarium egregium, omnibus vulneribus cujuscumque generis prodest.

CAPUT III.

DE BALSAMIS ARTIFICIALIBUS.

BALSAMUM, ARCAEI.

R. Sevi Hircini, libram unam.
 Terebinthinæ claræ, . . . } ana uncias decem.
 Gummi Elemi, }
 Axungiae Porcinæ, libram semis.

Liquentur, simul, colentur, & fiat Balsamum.

Nobile vulnerarium est eximiis viribus insigne ad ulceram, vulneraque digerenda, & mundificanda.

BALSAMUM CATHOLICUM.

R. Florum Hyperici cum seminibus siccorum, . . .
 unciam semis.
 Olivani, }
 Radicis Angelicæ, ejus de- } ana unciam semis.
 fectu, }
 Carlinæ, }

Spiritus Vini rectificati, libras tres.

Digerantur, simul in vase optimè clauso per octiduum loco calido, identidem agitando, tunc

R. Benzoini optimi, uncias tres.
 Styracis, uncias duas.
 Balsami Tolutani ficci, unciam unam.

Aloes Soccotrinæ, }
 Myrrhæ, } ana unciam semis.

Contrita injiciantur in ticturam supradictam, digerantur lento igne, sive insolentur per quadraginta dies: fiat colatura, & in vase vitreo optimè clauso, fervetur ad usum.

In omnibus vulneribus prodest; in ulceribus, morfibus ab animalibus venenatis, & rabidis inservit; ad dolores juncturarum, aurium, dentium, & hæmorrhoidum frigide applicari debet; internè etiam laudatur ad affectus stomachi, & ad colicam præsertim flatulentam.

Dosis à guttis quatuor ad scrupulum semis.

Balsamum hoc variis præscribitur nominibus. V. gr. *BALSAMUM COMMENDATORIS, BALSAMUM INNOCENTII UNDECIMI, & BALSAMUM PERSICUM.*

BALSAMUM ANODYNUM.

R. Saponis Hispanici, unciam unam.
 Opii, unciam semis.
 Camphoræ, drachmas sex.
 Croci, drachmam unam.
 Spiritus Vini, libram unam & semis.

Misceantur, & digerantur in vase clauso lento igne, per decem dies, postea tinctura coletur, & usui serverur.

In omnibus doloribus mitigandis, ut in podagra, rheumatismo, & similibus, proficuum valde.

BALSAMUM RORIS MARINI VULGO DE PORRAS.

R. Olei Roris Marini ex Summitatibus Floridis, mediante infusione, & coctione facti,
 libram unam & semis.
 Terebinthinæ electæ, uncias sex.

Ceræ Citrinæ, uncias quatuor.
Liquefiant, & ab igne semoto, adde

Balsami nigri, unciam unam.
Misce secundum artem, & serva.

In vulneribus, ac ulceribus inservit, & juncturarum doloribus prodest.

BALSAMUM UTERINUM, SIVE ANTI-HYSTERICUM.

R. Olei Nucis Moschatæ per expressionem facti, . . . drachmas duas.
Pulveris Assæ foetidæ, . . . drachmas duas.
Castorei, . . . drachmam unam.
Olei distillati Succini, . . }
Rutæ, . . } ana drachmas duas.
Sabinæ, . . }

Misce optimè, & fiat Balsamum secundum artem.

In insultibus hysterics, & hypochondriacis, naribus, temporibus, vertici, & umbilico applicatum, prodest; uteri dolores, ejusque passiones egregiè demulcet, & sedat.

BALSAMUM, SEU BUTYRUM SATURNI.

R. Aceti Saturni, . . . }
Olei Amygdalarum dul- } ana partes æquales
cium, seu Rosati, . . }

Acetum sensim super Oleum affunde, & simul continuo in mortario marmoreo ducantur, donec linimenti spissitudinem acquirant.

In inflammationibus calidis confert, adversus ulcera, scabiem, adustionem, & excoriationem valet.



Ss

BALSAMUM SULPHURIS TEREBINTHINATUM.

R. Florum Sulphuris, uncias tres.
 Olei Terebinthinæ, libram unam.

Omnia in Matracium vitreum immittantur, & igne arenæ ad Sulphuris solutionem digerantur, vel usque Oleum ex rubro-nigricanti tingatur colore, tunc decanta, & serva.

In affectibus pectoris, & pulmonum, intervrit, ac in ulceribus fistulosis externè applicatur.

Dosis pro usu interno à guttis tribus ad octo.

Nota: cum Sulphuris pari Florum quantitate, Olei Succini, vel Anisi distillati, sive expressi sit *BALSAMUM SULPHURIS ANISATUM*, & *SULPHURIS SUCCINATUM*, & si eorum loco Nucum Juglandium addatur Oleum, *RULANDI BALSAMUM* erit.

BALSAMUM APOPLECTICUM.

R. Olei Nucis Moschatæ expressi, . . . uncias duas.
 Oleorum stillatorum Roris Ma-

rini, . } ana drachmam
 Majoranæ, . } unam.
 Thymi, . }
 Salviæ, . }

Corticum Ci- } ana scrupulos
 tri, . } duos.
 Aurantiorum, }

Cinnamomi, . } ana scrupu-
 Caryophyllorum, } lum unum.

Rutæ, . } ana drachmam
 Succini rec- } unam & semis.
 tificati, . }

Camphoræ, drachmas duas.

Fiat omnium ex arte Balsamum.

In capitis affectus sublevandos expetitur.

Dosis à semis scrupulo ad scrupulum unum.

In Aquis appropriatis ut in Polychresta, Carmelitana, &c.

In Hystericis affectibus, flatulentisque à nimia stomachi cruditate pendentibus, utiliter exhibetur.

Concoctionem adjuvat, spiritus reficit, cor, & stomachum roborat.

Dosis à granis sex ad octo.

BALSAMUM VIRIDE.

R. Olei Seminis Lini, . . . }
 Olivarum, . . . } ana uncias novem.
 Laurini, . . . unciam unam & semis.
 Terebinthinæ Venetæ, . . . uncias tres.
 Liquefiant igne lento, & refrigeratis adde
 Pulveris Viridis Æris, drachmas quatuor & semis.
 Aloes Soccotrinæ, . . drachmas tres.
 Vitrioli albi, . . . drachmas duas.
 Oleorum distillatorum Baccarum Juniperi, . .
 drachmas sex.
 Caryophyllorum, . . .
 drachmam unam & semis.

Fiat ex arte Balsamum.

Vulnerarium est optimum, mundificat, & consolidat, etiam in animalium venenatorum moribus valet.

GALBANETUM.

R. Gummi Elemi, . . . }
 Hederæ, . . . } ana partes æquales.
 Galbani, . . . }
 Olei Laurini, . . . }
 Distilla per retortam in arena, & separa phlegma ab
 Oleo, & ad usum repone.

Ss ij

. Anti-Paralyticum est, & cephalicum, omnibus nervorum obstructionibus, Paralyfi, Apoplexiæ, Letargo, & similibus confert.

GALBANETUM PARACELSI.

R. Olei Olivarum, libram unam.
 Olei Laurini, uncias tres.
 Terebinthinæ, libras quatuor.
 Fiat distillatio per Alembicum.
 Deindè

R. Hujus Galbaneti, libras duas.
 Iterum distilla per Alembicum in modum Balsami.

In Paralyfi, convulsione, & aliis nervorum passionibus à causâ frigida, utilitèr adhibetur.

BALSAMUM TRANQUILLANS.

R. Foliorum Stramonii vulgaris, . . .
 Solani Officinarum, . . .
 Phytolacæ, . . .
 Belladonæ, . . .
 Mandragoræ, . . .
 Nicotianæ, . . .
 Hyoscyami, . . .
 Papaveris albi, . . .
 nigri, . . .
 Florum vel Summitatum Rorismarini,
 Salviæ, . . .
 Rutæ, . . .
 Absynthii u-
 triusque, . . .
 Hyssopi, . . .
 Lavendulæ, . . .

ana uncias
quatuor.

ana unciam
unam.

Thymi, . . .	} ana unciam unam.
Majoranæ, . . .	
Costi hortensis, . . .	
Menthæ, . . .	
Sambuci, . . .	
Hyperici, . . .	
Perficariæ, . . .	

Bufones, numero quinque.

Herbæ, quæ inodoræ sunt minutim concisæ, injiciantur per vices in

Olei Olivarum ferventis, . . . libris quinque.

Coquantur levitèr. Herbis coctis, Bufones vivi in Oleum conjiciantur, & coquantur. In colaturam immitantur Flores, & Summitates Herbarum fragrantium concisæ; macerentur ad Solem per quindecim dies. Colatum Balsamum & defœcatum ad usum serva.

Externè adhibitum nervosum genus roborat, anodynum est, & in sistendis gravissimis doloribus ejus vires compertæ sunt.

CAPUT IV.

DE UNGUENTIS, ET LINIMENTIS.

Unguentum, seu Linimentum est Medicamentum topicum, modò liquidius, modò spissius, maximè ex Oleosis compositum, leni fricatione, pro variis usibus corpori, exterius applicatum.

Unguentum à verbo latino *Ungere*, Linimentum à verbo latino *Linire*, provenit.

UNGUENTUM POPULEON.

R. Oculorum, Populi arboris recentium contu-
rum, libras tres.
Axungiae Porcinae insulsae, recentè fusae, .
. libras sex.

Mista simul macerentur in vase fictili vitreato, ritè operculato, in loco modicè calido, donec herbæ sequentes sub initium Æstatis possint colligi; scilicet:

Foliorum Papaveris Rhœados,
Hyofciami, . . .
Sempervivi majoris,
minoris,
Mandragoræ, vel
ejus defectu, So-
lani, . . . } ana uncias sex.
Lactucæ, . . .
Bardanæ, . . .
Violæ, . . .
Umbilici Veneris, .
Cymarum Rubi tenerrima-
rum, . . . }
Solani, . . . } uncias novem.

Contusa omnia, commisceantur cum axungia, & oculis Populi, reponantur in loco calido per dies sex; dein coquantur igne lento ad humiditatis consumptionem, continuò spathulâ lignêâ agitando: cola, in torculari exprime; & Unguentum defœcatum ad usum serva.

Anodynum est, febricitantibus, ac capiti dolentibus propter calorem, temporibus inunctum prodest, hæmorrhoidibus auxiliatur, & in mammis dissipat lac.

UNGUMENTUM DE LINARIA.

R. Herbae Linariae cum Floribus, } ana libram unam.
 Pinguedinis Porcinae, . . . }

Contundantur, coquantur ad humiditatis consumptionem, & exprimantur.

Specificum creditur esse ad hæmorrhoides dolentes, quibus plumaceolo, vitello ovi mixtum, applicatur.

UNGUMENTUM SEU CERATUM REFRIGERANS.

R. Olei Rosati Omphacini, . . . libram unam,
 Cerae albæ, uncias tres.

Liquentur lento igne, pistillo ligneo agitentur, & sæpius aquâ frigidissimâ laventur, donec Unguentum albescat.

Ad omnem calidam intemperiem inservit, febrientibus quoque conducit, ad hypochondria adhiberi solet.

UNGUMENTUM POMORUM.

R. Benzoini optimi, } ana drachmas duas.
 Styracis Calamitæ, . . . }

Caryophyllorum, drachmam unam.

Crafsiusculè trita sacculo lineo includantur, qui in vase fictili vitreato ponatur, addendo

Axungia Porcinæ recentis mundatæ, lotæ, & liquatæ, libras sex.

Pomorum Redolentium in partes sectorum, numero duodecim.

Aquæ Rosarum, } ana uncias tres.
 Naphæ, }

Coquantur levitèr ad humiditatis consumptionem, & sine expressione fiat colatura, ac Unguentum defoecatum reconde ad usum.

Ad narium pustulas, labiorum, & manuum fissuras, aliarum corporis partium cicatrices; & præsertim, quæ à variolis proveniunt, commendatur.

UNGUENTUM OPHTHALMICUM.

R. Butyri Porcini recentis, & loti, . . . uncias duas.
 Pulveris Cerussæ præparatæ, unciam semis.
 Tuthiæ præparatæ, }
 Camphoræ, . . . } ana drachmam unam.

Succi Limonum recentis, . . . unciam semis.

Misceantur optimè in mortario marmoreo, & usui ferventur.

In cataractis incipientibus, & calidis inflammationibus, ac dolorosis pro specifico habetur.

ALIUD.

R. Butyri Majalis recentis, & loti, . . . uncias octo.
 Pulveris Tuthiæ præparatæ, . . . unciam unam.
 Æruginis, . . . }
 Camphoræ optimæ, . . . } ana scrupulos duos.

Misce in mortario æneo, & fiat Unguentum lege artis.

Ad oculorum affectiones, fluxiones, scilicet, & inflammationes confert.

UNGUENTUM ALBUM SIMPLEX.

R. Olei Rosati, libram unam & semis.
 Pulveris Cerussæ, libram unam.
 Cerae albæ, uncias quatuor & semis.

Post liquefactam in oleo ceram, Cerussa misceatur, & agitetur Unguentum usque ad refrigerationem.

Valet ad ambusta, erysipelata, scabiem, prurigines, pustularum eruptiones, intemperiem ulcerum calidam, & alia cutis vitia, à fâlsedine enata, sananda.

Tt

UNGUENTUM ALBUM CAMPHORATUM.

R. Axungiae recentis Porcinae mundatae, lotae, & fusa, libram unam.
Pulveris Cerussae, uncias quatuor.

Misceantur in mortario marmoreo pistillo ligneo movendo, donec cum Axungia, Cerussa bene commisceatur, tunc adde

Camphorae in Oleo Amygdalarum dulcium solutae, drachmas duas.

Iterum agita, & fiat Unguentum secundum artem.

Hoc valentiùs habetur, quàm Unguentum album simplex, propter camphoram, & à Mulieribus pro cosmetico aestimatur.

UNGUENTUM NUTRITUM.

R. Lithargirii tenuissimè triti, uncias sex.
Olei Rosati, libram unam & semis.
Aceti acerrimi, uncias octo.

Nutriatur in mortario aëneo Lythargyrus, vicissim affuso modò Oleo, modò Aceto, donec continua agitatione Acetum, & Oleum Lithargyrus ebiberit, & Unguentum crassitiem debitam, & candorem acquirat.

Potest etiam hoc Unguentum parari sequenti modo: Lithargyrus, & Oleum simul decoquantur, sensim addendo parum Aceti, usque ad Linimenti consistentiam, dein in mortario assiduè agitentur, donec Unguentum albescat, & ad debitam perveniat consistentiam.

Pruritus cutis mitigat, in ambustis prodest, scabiei convenit, doloresque sedat.



UNGVENTUM CINNABARINUM.

R. Lithargyri, uncias quatuor.
 Tuthiæ præparatæ, . . . }
 Mercurii dulcis, . . . } ana partes æquales.
 Antimonii crudi præparati, }
 Cerussæ, unciam unam & semis.
 Plumbi usti præparati, unciam semis.
 Cinnabaris nativæ præparatæ, uncias duas.
 Olei Rosati, libras duas.
 Ceræ Citrinæ, uncias sex.

Fiat Unguentum lege artis.

Detergit, siccatur, & vulnera consolidat, inservit præfertim ad lue veneream extirpandam.

UNGVENTUM TUTHIÆ.

R. Olei Solani, }
 Rosati, } ana uncias sex.
 Ceræ, uncias tres.
 Pulveris Plumbi usti, & loti, }
 Tuthiæ præparatæ, } ana unciam unam.
 Thuris masculi, . . . }
 Cerussæ, uncias duas.

Misce, & fiat Unguentum secundum artem, usui servandum.

In ulceribus calidis inservit, humores falsos, & acres in his contentos dulcorat; refrigerat, siccatur, & consolidat; lymphas acidas corroderentes ulcerum, ac putrefaciētes absorbet.

UNGVENTUM PLUMBI.

R. Pulveris Plumbi usti, & præparati, }
 Lithargyri, } ana uncias duas.
 Cerussæ præparatæ, unciam unam.
 Ttj

332 *PHARMACOPOEA MATRITENSIS.*

Antimonii præparati, unciam unam.
 Olei Rosati, libras tres.
 Cera, uncias novem.
 Fiat Unguentum secundum artem.
 Valet ad idem.

UNGUENTUM MAGISTRALE, seu DE MINIO.

R. Olei Rosati, libram unam & semis.
 Cerae albæ, uncias quatuor & semis.
 Minii, uncias quinque.
 Cerussæ, }
 Lithargyri, } ana unciam unam & semis.
 Fiat Unguentum secundum artem.
 Easdem habet virtutes.

UNGUENTUM ALBUM SARRACENUM.

R. Olei Rosati, libram unam.
 Lithargyri, }
 Cerussæ, } ana uncias tres.
 Sevi Caprini, uncias duas.
 Aceti Rosati, uncias quatuor.
 In mortario mista, nutriantur, assiduè movendo, donec Unguenti spissitudinem acquirant, dein adde
 Albuminum ovorum, numero duos.
 Seminis Cucurbitæ mundati, & in pastam redacti, drachmas tres.
 Pulveris Mastiches, unciam semis.
 Camphoræ spiritu Vini solutæ, scrupulum unum.
 Fiat Unguentum secundum artem.
 Ad ambusta, erysipelata, scabiem, & cutis vitia, commendatur; ad hæmorrhoidum dolores; Prurigines, ac pustularum eruptiones inservit.

UNGUENTUM MERCURIJ.

R. Axungia Porcina, libram unam.
 Mercurij, libram semis.
 Terebinthina, uncias duas.

Mercurius cum Terebinthina liquata in mortario aneo exactè extinguitur, postea adde Axungiam assidue agitando, ut omnia exactissime misceantur.

Ad salivationem excitandam, fricatione mediante, inservit; scabiei, Morphææ, aliisque cutis vitis maximè confert: uncturis admistum Pediculos, Pulices, atque Cimices enecat.

UNGUENTUM GUMMI ELEMI.

R. Olei Rosarum, libram unam.
 Resina, uncias quatuor.
 Cera Citrina,
 Cummi Elemi, } ana uncias tres.
 Terebinthina,
 Pulveris Gummi Ammoniacy uncias duas.

Fiat Unguentum secundum artem.

Digerit, maturat, suppurationemque promovet, tumoribus, & ulceribus applicitum.

UNGUENTUM DIGESTIVUM.

R. Terebinthina Venetæ, uncias duodecim.
 Mellis Rosarum, uncias quatuor.
 Olei Hyperici, uncias tres.
 Pulveris Aloes, unciam unam.
 Vitellorum Ovorum, numero duos.

Misce optimè, & fiat Unguentum.

Tempore usus admisceatur Vitellum Ovi.

ALIUD.

R. Terebinthinæ, uncias octo.
 Vitella Ovorum, numero quatuor.
 Pulveris Mastiches, }
 Myrrhæ, } ana unciam unam & semis.
 Olivani, }
 Fiat secundum artem Unguentum.

UNGUENTUM ALABASTRINUM.

R. Florum, & Herbarum Chamæmeli, } ana uncias tres.
 Rutæ, }
 Rosarum, } ana unciam unam & semis.
 Sambuci, }
 Betonicæ, }
 Radicis Althææ, uncias duas.
 Olei Rosati, libram unam & semis.
 Contundantur, & ad humiditatis exhalationem, coquantur,
 postea colentur; & exprimantur, è colatura cum
 Alabastris puri, optimè lævigati, unciis tribus.
 Cerae albæ, unciis quinque.
 Fiat Unguentum.
 Temporibus, fronti, spinæ dorsæ, & plantis pedum illi-
 nitur. Refrigerat, dolores mitigat, & somnum conciliat.

UNGUENTUM TETRAPHARMACUM,

SEU BASILICUM.

R. Cerae flavæ, }
 Sevi Hircini, } ana partes æquales.
 Resinæ, }
 Colophonias, }
 Olei communis, }

Fiat Unguentum secundum artem.

Digestivum, & suppurativum est.

Si Unguentum *BASILICUM NIGRUM* desideras, prædic-

to Unguento adde

Picis Navalis, seu nigri, loco Colophonix.

Easdem virtutes obtinet.

UNGUENTUM MARCIATON.

R.

- | | |
|------------------------------|--------------------|
| Radici Enulæ Campanæ, . . . | } ana uncias tres. |
| Valerianæ sylvestris, . . . | |
| Bardanæ, . . . | |
| Herbarum Absynthii, . . . | |
| Abrotani, . . . | |
| Ocimi, . . . | |
| Calaminthæ, . . . | |
| Hyperici, . . . | |
| Costi hortensis, . . . | |
| Majoranæ, . . . | |
| Menthæ aquaticæ, . . . | } ana uncias duas |
| Sabinæ, . . . | |
| Salviæ, . . . | |
| Sambuci, . . . | |
| Summitatum cum Floribus Cha- | } ana uncias duas |
| mæmeli, . . . | |
| Meliloti, seu Tri- | |
| folii, . . . | } ana uncias sex. |
| Stœchados, . . . | |
| Foliorum Lauri, . . . | |
| Ebuli, . . . | |
| Roris marini, . . . | } ana unciam unam. |
| Rutæ, . . . | |
| Seminum Cumini, . . . | } ana unciam unam. |
| Fœnugræci, . . . | |
| Urticæ majoris, . . . | |

Contusa, & incisa per biduum igne lento macerentur
in

Olei communis, libris duodecim.

Coque ad humidi ferè consumptionem: cola, & fortiter exprime: dein adde

Cerae flavae, libras tres.

Axungiae Porcinae antiquae, . . . libram unam.

Liquefiant, & colentur, ac semirefrigeratis permisce,

Styracis liquidi, uncias quatuor.

Pulveris Mastiches, uncias duas.

Agita, donec penitus frigescant, & usui serva.

Nervinum est, affectibus cerebri, nervorum, articulorumque frigidis inservit; tremori, convulsioni, paralyfi, arthritidi efficax valde; tumorem, ac duritiem splenis emollit.

UNGUENTUM AREGON.

R.

Foliorum Conyzæ majoris,

Laureolæ, . . .

Cucumeris agrestis,

Calaminthæ, . . .

Roris marini, . . .

Majoranæ, . . .

Thymi, . . .

Rutæ, . . .

Lauri, . . .

Sabinæ, . . .

Salviæ, . . .

ana uncias quatuor.

Radices Bryoniæ, . . .

Ari, . . .

Cucumeris sylvestris,

ana uncias duas.

Contusa, & incisa, per triduum macerentur, in

Olei Olivarum, libris decem.

Coquantur igne lento ad humiditatis consumptionem,
cola, & exprime, Oleo defœcato adde

Ceræ, libram unam, & semis.

Butyri recentis, } ana uncias quatuor.

Adipis Urfini, }

Liquefiant, semirefrigeratis adde

Pulveris Radicis Pyrethri, }

Zingiberis, }

Piperis nigri, } ana unciam unam.

Euphorbii, }

Mastiches, }

Thuris, }

Misceantur optimè, & fiat Unguentum.

Convulsionibus, ac resolutionibus partium, ut paralyssi, dolori etiam colico, & nephritico prodest.

UNGUENTUM ÆGYPTIACUM.

R. Mellis optimi, uncias quatuordecim.

Aceti fortis, uncias septem.

Viridis Æris pulverati, uncias quinque.

Coquantur simul igne lento ad Unguenti debitam crassitiem, ita ut colorem purpureum Unguentum acquirat.

Antiqua ulcera, & fistulosa tergit, putredinem aufert, carnem excrescentem, & mortuam exedit.

UNGUENTUM AGRIPPÆ

R. Radicum recentium Bryoniæ, } ana libram unam,

Cucumeris asinini, }

Radicis Scillæ, } ana libram semis.

Ireos, }

Ebuli, }

Vv

338 PHARMACOPOEA MATRITENSIS.

Radices mundatæ, incisæ, & contusæ macerentur per biduum in

Olei, libris quatuor.

Coque igne lento, non tamen ad omnimodam humiditatis consumptionem, cola, & in Oleo defœcato dissolve

Ceræ albæ, libram unam.

Fiat Unguentum secundum artem.

Tumores ædematosos resolvit, nervorum contractiones sanat; necnon ventri illitum, regioni splenis, & ventriculi obstructions tollit, alvumque laxat.

UNGUENTUM ARTHANITÆ.

R. Succi, vel decocti fortis Arthanitæ, ejus defectu Cucumeris asinini, libras duas.

Succi, seu decocti Cucumeris agrestis, } ana uncias octo.

Butyri Vaccini, }

Olei Irini, libras duas.

Colocynthidos, uncias duas.

Polypodii, uncias tres.

Euphorbii, drachmas duas.

Omnia mista, macerentur per horas viginti quatuor, postea coquantur ad humiditatis ferè consumptionem, exprime Oleum, expressioni adde

Ceræ, libram semis.

Sagapeni præparati, }

Fellis Taurini ad Mellis infusionsis redacti, }

Scammonii, } ana unciam semis.

Jalappæ, }

Colocynthidos, }

Foliorum Mezereonis, }

Aloes, }

Salis Gemmæ,	} ana drachmas duas.
Euphorbii,	
Piperis longi,	
Mirr hæ,	
Zingiberis,	
Florum Chamæmeli,	

Pulverisanda, subtilitè pulveriscentur, dein in oleo Cera liquefiat, postea in parte hujus Unguenti misceatur optimè Fellis intpissamentum, & Sagapeni solutio, & reliqua, cum pulveribus permista, ad usum serva.

Abdomini illitum, alvum clausam referandi virtutem accipit, tumores ædematosos discutit, aquas hydropicorum expellit, menses retentos, & suppressos provocat, vermes abdomini applicitum necat, & educit; sed cave ne Pueris delicatioribus, sub Emplastri specie imponas, Euphorbium enim rubefaciendi vim habet, ne excoriationem excitet.

Sufficit, inunxisse Abdomini Unguentum semel in die.

UNGVENTUM ALTHÆÆ COMPOSITUM.

R. Olei ex mucilaginibus, libras duas.
 Cera flavæ, } ana libram semis.
 Resinæ, }

Omnibus lento igne liquatis, colatis, & admodum tepidis, immisce

Gummi Galbani in vino albo soluti, colati, & ad Mellis consistentiam cocti, unciam unam.

Terebinthinæ, uncias duas.

Gummi Hederæ pulverati, . . . unciam unam.

Fiat Unguentum secundum artem.

Omisso Galbano, & Gummi Hederæ, *UNGVENTUM ALTHÆÆ SIMPLEX* vocatur.

Ad emolliendum, calefaciendum, & humectandum pectoris dolorem leniendum, viscerumque durities laxandas communiter commendatur.

Vv ij

UNGUENTUM CUCURBITÆ.

R. Cucurbitæ communis, . . . }
 Foliorum Portulacæ, . . . } ana libram unam.
 Violarum, . . . }
 Plantaginis, . . . }
 Solani, . . . }

Contundantur in mortario marmoreo, & in

Olei communis, libris quinque.

Per biduum loco calido macerentur; postea coquantur ad humiditatis ferè consumptionem, fortiter exprimantur, ac in Oleo defœcato, liquefiat

Ceræ, libra una.

Et fiat Unguentum lege artis.

Refrigerat, humectat, dolores ab humore acri fedat, hæsticorum dorso, & renum regioni inunctum, ardoribus, sudoribusque nocturnis, & colliquativis commendatur.

UNGUENTUM APOSTOLORUM.

R. Olei communis, libras duas.
 Lithargyri subtiliter triti, uncias duas.
 Aceti acerrimi, uncias sex.

Coquantur lento igne continuo spatulâ movendo, usque ad Aceti consumptionem, quibus adde

Ceræ flavæ, uncias sex.

Terebinthinæ, }
 Resinæ, } ana uncias duas.

Liquefiant, & colentur, postea adjice soluta, colata, & ad Mellis consistentiam inspissata.

Gummi Galbani, }
 Opoponacis, } ana unciam unam.
 Ammoniaci, }

Bdellii,
 Pulveris Aristolochiæ longæ, } ana drachmas sex.
 Myrrhæ,
 Thuris,

Æruginis, seu viridis æris, unciam unam & semis.

Misce, & fiat Unguentum secundum artem.

Ad vulnera, & ulcera sordida difficilis curationis infervit, sinus, fistulasque detergit, & plagas sanat.

UNGUENTUM COMITISSÆ.

R. Olei Myrthi, libram unam.
 Cerae citrinæ, uncias tres.
 Liquatis, & ab igne semotis, adde sequentia in pulverem subtilem redacta.

Gallarum immaturarum, unciam unam,
 Baccarum Myrthi,
 Nucum Cupressi,
 Corticum Granatorum,
 Seminis, seu acinorum uva- } ana drachmas duas
 rum,
 Plantaginis,
 Sumach,
 Aluminis Rupei, } ana unciam semis.
 Mastiches,

Fiat Unguentum lege artis.

Laudatur ad abortum prohibendum, Uteri, Alvi & Renum laxitatem, ad Hernias, ani & Uteri procidentias; applicatur lumbis, Abdomini, vel illinendo, vel linteis illitum imponendo.

Pro Unguento corticum Castanearum infervit,

UNGUENTUM DE OPPILATIVUM.

R. Foliorum Cicutæ, . . . }
 Apii, . . . } ana libram unam.
 Ebuli, . . . }
 Petroselini, . . . }
 Sabinæ, . . . }
 Radicis Capparum, . . . }
 Irini, . . . } ana libram semis.
 Bryoniæ, . . . }

Incisa, & contusa in

Olei Olivarum, libris sex.

Per quatrimum loco tepido macerentur, dein coque
 ad humiditatis consumptionem, cola, exprime, & in Oleo
 defœcato liquefiat

Ceræ citrinæ, libra una & semis.

Semirefrigerato Unguento adde

Pulveris Gummi Ammoniæ, }
 Aristolochiæ longæ, } ana uncias duas.

Misce, & fiat Unguentum secundum artem.

In obstructionibus hepatis, lienis, & aliorum viscerum
 prodest, ac idè in tumoribus duris, scirrhisque con-
 venit.

Pro omnibus deoppilativis Unguentis inservit.

UNGUENTUM CORDIALE.

R. Unguenti Rosati, libram unam.
 Butyri Naphæ, uncias sex.
 Pulveris Santali rubri, unciam unam & semis.
 Lætificantis, drachmas tres.
 Ceræ albæ, uncias tres.
 Camphoræ, drachmas tres.
 Exactè misceantur, & fiat Unguentum secundum ar-
 tem.

Vitales partes roborare creditur: od idque ad syncope, cordis palpitationem, & affectus melancholicos proficere.

UNGVENTUM FILII ZACHARIÆ.

R. Cerae flavæ,
 Medullæ Cruris Vaccæ,
 Adipis Porcinæ,
 Gallinæ,
 Olei Seminis Lini,

} ana libram semis.

Omnia liquefiant, & semirefrigeratis adde
 Mucilaginis Seminis Lini, & Fœnugræci, . . .

. libram semis.

Agita, assiduè movendo, donec mucilago exactè miscetur, & Unguentum infrigidatum reconde ad usum.

Juncturarum tophos, ac nodos duros emollit, & dissolvit, inunctum pectoris regioni crassa, lentaque pulmonum, thoracis excrementa ad ejectionem, per sputum habilia, & aptiora reddit.

UNGVENTUM NERVINUM.

R. Herbarum recentium Salviæ, . . .
 Ivæ Arthriticæ, . . .
 Majoranæ, . . .
 Roris Marini, . . .
 Menthæ, . . .
 Rutæ, . . .

Summitatum floridarum Verbasci, . . .

Lavendulæ, . . .

Hyperici, . . .

Chamæmeli, . . .

Meliloti, . . .

} ana uncias duas.

344 *PHARMACOPOEA MATRITENSIS.*

Baccarum Lauri, }
 Juniperi, } ana unciam unam.

Incisa, & contusa immergantur in

Olei Lumbricorum, libris tribus.

Macerentur per biduum : coquantur ad humiditatis
 consumptionem ; exprime, cola, & in Oleo defœcato li-
 quefcant

Ceræ, uncia novem.

Semirefrigerato Unguento, adde

Olei, seu Butyri Ceræ distil-
 lati, } ana uncias duas.

Terebinthinæ, }

Unguenti Althææ, uncias quatuor.

Misce exactè, & usui serva.

Frigidos nervorum morbos aufert, ac eorum dolori-
 bus opitulatur.

UNGUENTUM AD HERPES.

R. Unguenti Rosati, uncias sex.
 Mercurii præparati albi, . . . drachmas sex.
 Agita in mortario donec ritè misceantur.

In omnibus cutis vitiis, scabie, herpetibus, impeti-
 gine, & similibus affectionibus ab humoribus falsis, acri-
 busque productis, confert.

UNGUENTUM AD SCABIEM, TINEAM, ET CÆTERA

CUTIS VITIA.

R. Mercurii vivi, uncias tres.
 Terebinthinæ Venetæ, libram unam & semis.
 Butyri Vaccini, libras duas.
 Lithargyri, }
 Cerussæ, } ana unciam unam & semis.

Olei Lumbricorum, . . . }
 Rosati, . . . } ana libram unam.

Ceræ Citrinæ, uncias quatuor.

Fiat ex arte Unguentum usui servandum.

BUTYRUM ANTI-HERPETICUM, SEU SPERMATIS

DICTUM.

R. Spermatidis Ceti, uncias tres.
 Olei Amygdalarum dulcium sine igne, uncias tres.
 Ceræ albæ, unciam semis.

Liquefiant lento igne, postea adde

Aquæ Rosarum, unciam semis.

Sacchari Saturni, scrupulum unum.

Præcipitati albi, scrupulos duos & semis.

Aquæ albæ Mercurii, drachmam unam & semis.

Omnia misceantur, agitentur in mortario vitreo usque ad albedinem.

Vitia cutis corrigit, Herpetibus, impetigini, & similibus affectibus cutaneis prodest.

UNGUENTUM AD MAMMARUM FISSURAS.

R. Olei Rosati, libram unam.
 Lithargyri, }
 Aceti, } ana uncias quatuor.

Misce, & coquantur ad Aceti consumptionem, dein liquefiant Ceræ flavæ, uncias tres.

Semirefrigerato Unguento adde

Mellis optimi, uncias tres.

Pulveris Myrrhæ, }
 Thuris, } ana unciam unam.

Misce optimè, & serva ad usum.

Adhibetur feliciter Nutricibus, maturat apostemata, & molli durities mammæ, lac retinere facit, & earum Fissuras, quæ apud Græcos nominantur *payades*, sanat.

Xx

UNGUENTUM AD MAMMARUM DURITIEM.

R. Olei communis, libram unam.
 Cerae albæ,
 Axungiae Porcinæ,
 Butyri Vaccini, } ana libram semis.
 Sevi castrati,
 Lithargyri subtiliter triti,

Misceantur omnia, & lento igne coquantur assidue
 spathulâ ligneâ movendo, donec Unguenti consistentiam
 acquirant, dein adde

Seminis Cumini pulverati, uncias quatuor.

Misce, & usui ferva.

Puerperis familiare est: lac in mammis coagulatum sol-
 vit, ejusque exuberationem absumit.

UNGUENTUM HÆMORRHOIDALE EXTEMPORANEUM

R. Unguenti Populei, } ana uncias tres.
 Lythargyri nutriti,
 Vitellorum Ovorum, numero tres.
 Pulveris Croci, drachmam unam & semis.
 Opii, drachmam semis.

Misce in mortario marmoreo, diu agitando, & fiat
 Unguentum secundum artem.

Ejus præcipuus usus est in hæmorrhoidum doloribus
 sedandis, & earum inflammationibus resolvendis.

UNGUENTUM DIAPALMÆ.

R. Emplastri Diapalmæ, libram unam.
 Olei Rosati, uncias octo.
 Terebinthinæ optimæ, uncias duas.

Fiat Unguentum secundum artem.

Pro Polychresto habetur, in vulneribus, & ulceribus,
 ambustisque utitur.

Si drachmæ duæ Camphoræ addantur, vocatur *UNGVENTUM*, seu *DIAPALMA CAMPHORATA*.

Hic autem Pharmacopœi monendi sunt, de ratione quâ Unguenta componi debent: nempe eam proportionem Olei ad Ceram observandam esse, quæ mediis temporibus, Autumno scilicet, ac Vere locum habere possit, Æstate enim, ut periti hujus artis norunt, paulò plus Cere adhiberi oportet, Hieme paulò minus; sic enim æqualis, quacumque anni tempestate Unguentorum consistentia, in eorum usu, haud paulò melior obtinebitur.

CAPUT V.

DE EMPLASTRIS, ET CERATIS.

Emplastrum, & Ceratum est Medicamentum topicum, ex variis simplicibus, præcipuè ex Oleosis, Calcibus Mineralibus compositum, & ad consistentiam solidam redactum.

Emplastrum, à Cerato tantum distinguitur consistentia, quia aliquatenus durius est Cerato.

EMPLASTRUM DIAPALMA.

R. Lithargyri tenuissimè triti, . . . }
 Olei communis, } ana libras tres.
 Axungia Suillæ ritè expurgatæ, }
 Aquæ simplicis, . . . quantitatem sufficientem.
 Misceantur optimè, & igne lento bulliant, spathulâ ligneâ assiduè movendo, donec digitis non adhæreant, tunc adde

Ceræ albæ. uncias novem.
 Resinæ, uncias sex.

Xxij

348 PHARMACOPOEA MATRITENSIS.

Vitrioli albi in aqua soluti, , uncias quatuor.
Iterum coque ad Emplastri consistentiam.

Si loco Vitrioli albi, Colcothar pulveratum adhibea-
tur, *EMPLASTRUM* tunc *DIACHALCITEOS* appellatur.

Vulneribus, ac ulceribus malignis antiquis, & novis
auxiliatur, ad ossium fracturas, & luxationes quoque pro-
dest.

EMPLASTRUM DE CERUSSA.

R. Cerussæ electæ pulveratæ, . . . } ana libras tres.
Olei Rosati, }
Aquæ fontanæ, . . . quantitatem sufficientem.

Bulliant simul, usquedum incorporentur, & digitis
tractari possint, tunc adde

Ceræ albæ, uncias octo.

Liquecant, & fiat Emplastrum secundum artem.

Leves cutis exulcerationes sanat, ulceribus quoque for-
didis dicatum est, quia validè exsiccat, & refrigerat, ci-
catrices etiam inducit.

DIACHYLON SIMPLEX.

R. Radicum recentium Althææ }
per taleolas sectarum, . . } ana uncias quatuor.
Seminum Fœnugræci, . . }
Lini, }

Infundantur in

Aquæ, libris octo.

Supra Cineres calidos subinde levitèr coquantur, ad
mucilaginis extractionem. Cola, & exprime.

Tum fume

Mucilaginis expressæ, libras tres.

Lithargyri subtilitèr triti, . . . libras duas.

Olei Olivarum, libras quatuor.

Coquantur simul Lithargyrus, & Oleum, sensim ad-

Ad mucilaginem, ad humidi ferè consumptionem, vel ad justam Emplastri consistentiam.

Emollit, resolvit, atque digerit, ob idque in tumoribus quibuscumque, maturationem quamdam requirentibus, utiliter applicatur.

Si ad libram unam hujus Emplastri, adhuc calentis, addatur Pulveris Radicis Ireos uncia una, *EMPLASTRUM DIACHYLON IRIATUM* vocatur, & vires præstantissimas quàm præcedens obtinet.

DIACHYLON MAGNUM.

R. Radicum Althææ recentium,
minutim incisarum, . . . }
Passularum, } ana uncias quatuor.
Ficuum pinguium, . . . }
Seminum Fœnugræci, . . . }

Lini, }
Radicis Ireos, } ana uncias tres.
Scillæ, }

Anethi, }
Chamæmeli, } ana uncias duas.

Incisa, & contusa macerentur in

Aquæ ferventis, libris decem.

Super cineres calidos per biduum: dein lento igne parum decoquantur, spathulâ lignæ sæpè movendo. Cola,

Tum adde

Ichthyocollæ albæ, nitidæ, minutim incisæ, .
. unciam semis.

Maceretur in aqua calenti, ut mucilago extrahatur, coletur, ac cum priori mucilagine misceatur.

Iterum adde

Lithargyri præparati, libras duas.

Olei communis, libras quatuor.

Coquantur simul, sensim admiscendo mucilagine su-

prædictas ad humidi ferè consumptionem, tum adde

Olefi, . . . } ana uncias quatuor.
Resinæ Pini puræ, . .
Ceræ flavæ, . . . }
Terebinthinæ, . . . libram semis.

Liquefiant, & fiat Emplastrum secundum artem.

Potentèr juvat maturationem tumorum durorum, ad suppurationem tendentium, duritiem resolvit, ac emollit egregiè.

DIACHYLON GUMMATUM.

R. Gummi Ammoniacy, . . . }
Galbani, . . . } ana unciam unam.
Bdelli, . . . }
Sagapeni, . . . }

Diffolvantur in

Vini albi, quantitate sufficienti.

Colentur, & ad mellis consistentiam inspissentur, sub-
indè exactè misceantur cum

Massæ Emplastri Diachyli majoris supradicti, .
 libris tribus.

Et fiat Emplastrum secundum artem usui servandum.

Ad omnium corporis partium tumores resolvendos, scirrhus hepatis, & lienis discutiendos, confert; strumas, ac inveteratos abscessus dissolvit.

EMPLASTRUM PUNCTURALE.

R. Gummi Elemi, }
Galbani, }
Resinæ Pini, } ana uncias duas.
Terebinthinæ, }
Ceræ Citrinæ, }
Radici Aristolochiæ, utrius- }
que pulverisati, } ana unciam unam.

Thuris pulverisati, unciam unam.

Cinnabaris nativæ optimè pulverisatæ,

. uncias tres.

Omnia ritè parata misceantur, & lege artis fiat Emplastrum.

In vulneribus, seu puncturis calidè applicitum, prodesse dicitur: Ischiadico dolori quoque conferre.

EMPLASTRUM REGIUM, vulgo, DE MINIO.

R. Olei communis, libras duas.

Axungia Porcinæ, uncias sexdecim.

Minii, uncias viginti.

Aceti, libram unam & semis.

Omnia coquantur lento igne, addendo sensim Acetum, ad humidi ferè consumptionem, & ad debitam Emplastri spissitudinem, tunc adde

Ceræ Citrinæ, uncias octo.

Minii, uncias quatuor.

Liquefcant, & fiat Emplastrum secundum artem.

Emollit, dissolvit, & digerit; in tumoribus calidis utilitèr applicatur: ulcera ficeat, & cicatricem inducit.

EMPLASTRUM DE CERUSSA USTA, seu NIGRUM

DICTUM.

R. Olei Rosati, }
Cerussæ electæ tenuissimè pulverata, } ana libram unam.

Coquantur secundum artem usquedum nigricantem colorem, & Emplastri consistentiam acquisierint, sub finem addendo

Ceræ flavæ, uncias quatuor.

Iterum coque, & fiat Emplastrum usui servandum.

Fistulas, & ulcera difficilis curationis, quæ adhuc incarnata non sunt, siccat, detergit & curat.

EMPLASTRUM ANTI-PODAGRICUM,

SEU SAPONACEUM.

R. Saponis Hispani, uncias sex.
 Olei communis, libras quatuor.
 Misce lento igne, tum adde

Pulveris Minii, libras duas.

Cerussæ electæ, libram unam.

Coquantur moderato igne, spatulâ lignæ assidue movendo, donec consistentiam Emplastri durioris acquirant, addendo, inter coquendum, paululum aquæ, ne aduratur, dein adjice

Ceræ flavæ, uncias tres.

Misce, & fiat Emplastrum lege artis; tandem ab igne semoto, semirefrigerato, sub continua agitatione, commisce

Camphoræ spiritu Vini solutæ, uncias duas,

Et usui servetur.

Potentissimè resolvit, materiam inspissatam emollit, & discutit; ad dolores arthricos ex lymphâ tenuiori productos, prodest: item ad podagram sedandam, tumores induratos; pedum callos emollit, atque resolvit; uterum roborat umbilico impositum, & menses ciet; ambustis quoque medetur.

Nota, quod in Officinis asservari solet sine Camphora, & *EMPLASTRUM SAPONIS SIMPLEX* vocatur; & extemporaneè, addita Camphora, *EMPLASTRUM CAMPHORATUM* habetur.

Ad idem valet, sed minori cum efficacia.

EMPLASTRUM MANUS DEI.

R. Olei communis, libras quatuor.
 Lithargyri præparati, libras duas.
 Mille, & in Cacabo æneo amplo, debite agentur,
 deinde addantur

Aquæ communis, libræ duæ.

Coque, ut artis est, ad Emplastri solidi consistentiam,
 tunc injice

Ceræ Citrinæ, libram unam.

Liquefeat, & ab igne semoto, commisce

Gummi Galbani,	} ana uncias tres.
Opoponacis,	
Ammoniæ,	
Sagapeni,	

Quibus antea solutis, percolatis, inspissatisque addantur

Terebinthinæ claræ, uncia quatuor.

Olei Laurini, uncia una & semis.

Pulveris Myrrhæ,	} ana uncia tres.
Olibani,	
Mastiches,	
Æruginis,	

Pulveris Lapidis Calaminaris,	} ana uncia una & semis.
Magnetis præ-	
parati,	
Aristolochiæ longæ,	
Rotundæ,	

His omnibus rite permixtis, confectum erit Emplastrum.

Ad maligna ulcera confert; eorum saniem, ac putredinem detergit, & absumit; novam carnem procreat, & ad cicatricem perducit; durities resolvit, ac emollit.

Adhibetur ferè in omnibus vulneribus, & ulceribus, tumoribus, atque contusionibus.

Yy

Pro Emplastro PARACELSI, & DIVINO inservit.

EMPLASTRUM DE RANIS.

R. Ranas aquatiles viventes, numero quadraginta.
 Lumbricorum terrestrium, . . . libras duas.
 Radicum recentium Ebuli, . } ana libram unam
 Enulæ, . } & semis.
 Summitatum Anethi, . . . }
 Florum siccorum Chamæmeli, } ana libram semis.
 Lavendulæ, . }
 Matricariæ, . }
 Meliloti, . } ana unciam unam.
 Schoenanthi, . }
 Stœchados, . }

Omnia incisa, & contusa infundantur, ac macerentur
 in

Aquæ communis, . . . libris duodecim.
 Aceti acerrimi, . . . libris quatuor.
 Per biduum, dein coquantur igne lento ad quartæ par-
 tis consumptionem, exprimantur, & decoctum coletur.

Sume

Hujus decocti, . . . libras sex.
 Olei communis, . . . libras duodecim.
 Misce, & coque ad humiditatis ferè exhalationem,
 deindè adde

Lithargyri præparati, . . . libras sex.
 Olei supradicti defœcati, . . . libras novem.
 Axungia Porcinæ, . . . libras tres.
 Axungia in Oleo liquecat, & cum Lithargyro omnia
 simul frigidè in cacabo æneo nutriantur; subindè coquan-
 tur, sensim decocti præscripti, quod sat, admiscendo,
 spathulâ ligneâ assiduè movendo ad humiditatis consumptio-
 nem, & ad solidam Emplastri consistentiam, postea adjice
 Axungia Viperarum, vel Ursi, . uncias sex.

Olei Baccarum Lauri, . . . uncias quatuor.
 Cerae Citrinæ, libras tres.
 Styracis liquidæ, uncias quatuor.
 Terebinthinæ claræ, uncias duas.

Benè permistis, & Emplastro ab igne semoto, in-
 perge

Pulverum Olibani, . . . }
 Euphorbii, . . . }
 Myrrhæ, . . . } ana unciam unam.
 Croci, . . . }
 Spicæ, . . . }

Fiat Emplastrum secundum artem, quod *SIMPLEX*,
 seu *sine Mercurio de RANIS* vocatur.

Ad dolores, ex frigida causa ortos, mirè conducit;
 etiamque tumores resolvit, atque emollit.

EMPLASTRUM DE RANIS CUM MERCURIO.

R. Hidrargyri per alutam trajecti, . libram unam.
 Extingue cum
 Terebinthinæ, }
 Styracis liquidæ repurgatæ, } ana unciis duabus.

Hidrargyrus exactè extinctus, commisceatur cum
 Emplastri supradicti, . . . , . libris octo.

Ac debite permistis, fervetur Emplastrum ad usum.

In dissipandis artuum tumoribus, & Omoplatorum do-
 loribus, coxendicumque à lue venerea inveterata, præfer-
 tim obortis, valet. Sunt, qui ad Salvationem excitandam
 utuntur.

Si vero Emplastrum validiùs exposcitur, Dosis Hydra-
 gyri augeri solet, ad duplum, triplum, vel quadruplum.



Yy ij

EMPLASTRUM DIABOTANUM.

R. Foliorum recentium cum
 Radicibus Bardanæ, . . .
 Petasitidis, . . .
 Calendulæ, . . .
 Cicutæ, . . .
 Chamæpithyos, . . .
 Levistici, . . .
 Valerianæ majoris,
 Angelicæ hortensis,
 Enulæ campanæ, . . .
 Raphani rusticani,
 Cucumeris sylvestris, . . .
 Scrophulariæ, . . .
 Illecebræ, . . .
 Chelidonii majoris, . . .
 & minoris,
 Gratiolæ, . . .

ana uncias tres.

Coque in Aquæ communis, . . . sufficienti quantitate.
 Decocto colato adde

Succorum Cicutæ, . . .
 Chelidonii majoris, . . .
 Hormini, . . .
 Illecebræ, . . .

ana libras duas.

libram semis.

Rursus coque in Balneo Maris, ad Extracti solidioris
 consistentiam : hoc facto, unicuique libræ admisce

Gummi Galbani, . . .
 Ammoniaci, . . .
 Opoponacis, . . .
 Sagapeni, . . .

ana uncias duas.

Dissolve secundum artem in sufficienti quantitate Ace-

ti Scillitici: inspissa leniter ad ignem, & misce cum Extracto supradicto: iterum sume

Litargyri lavigati, libram unam, & uncias quatuor.

Olei Lumbricorum,	} ana semilibram.
Catellorum,	
Meliloti,	
Mucaginum,	

Aquæ fontis, uncias decem.

Coque simul ex arte ad Cerati paulo solidioris consistentiam: inter coctionem vero per vices admisce massam supradictam Extracti cum Gummi: exactè commixtis omnibus adde

Sulphuris pulverisati, . . . uncias septem & semis;
quo etiam perfectè soluto, affunde quæ sequuntur seorsim prius liquefacta, & percolata:

Ceræ flavæ,	} ana uncias octo.
Styracis liquidæ,	
Picis Græcæ,	

Facta omnium mixtione, Cacabum remove ab igne, & massæ semirefrigeratæ insperge pulveres, nempe

Radicum Ireos Florentinæ,	} ana drachmas tres.
Cyclaminis,	
Ranunculi Tuberosi,	
Coronæ Imperialis,	
Serpentariæ,	
Hellebori albi,	} ana femiunciam.
Sigilli Beatæ Mariæ,	
Ari,	
Trium Aristolochiarum,	drachmam unam.
Afari,	unciam unam & semis.
Foliorum Pistachiorum,	drachmas duas.

358 *PHARMACOPOEA MATRITENSIS.*

Baccarum Lauri, drachmas duas.
 Seminum Angelicæ, . . . }
 Nasturtii, . . . } ana drachmas tres.
 Cumini, unciam unam & semis.
 Fimi Columbini, unciam semis.
 Bituminis Judaici, . . . }
 Olibani, } ana uncias quatuor.
 Mastiches, }
 Gummi Tacamahacæ, libram semis.
 Bdellii, } ana unciam unam
 Myrrhæ, } & semis.
 Euphorbii, femiunciam.

His omnibus rite permixtis, ultimo superadde

Camphoræ, femiunciam.

In Olei Caryophyllorum, . . . drachmis sex.

solutæ.

Olei de Lateribus, drachmas decem.

Misce, & fiat Emplastrum ex lege artis.

Digerit, & maturat quascumque materias frigidas, & quæ sunt solutu contumaces; scrophulas, nodos, ulcera callosa, tumores scirrhosos Mesenterii, Splenis, aliorumque viscerum potentissimè resolvit.

Alii addunt unicuique libræ prædicti Emplastri *MERCURI*, in uncia una Terebinthinæ extincti, uncias duas.

Tum verò *EMPLASTRUM DIABOTANUM* cum *MERCURIO* vocatur.

DIABOTANUM dicitur ob insignem Vegetabilium quantitatem, ex quibus componitur.



EMPLASTRUM REGIUM, SEU CONTRA RUPTURAM.

R. Picis nigræ, libram unam & semis.
 Cerae Citrinæ, }
 Terebinthinæ claræ, } ana uncias octo.
 Labdani minutim incisi, uncias duas.

Liquefactis adde

Hypocistidos in decocto nucum Cupressi soluti,
 & ad pultis formam redacti, unciam unam.

Ab igne semotis, insperge

Pulverum Mastiches, }
 Radicis Consolidæ majoris, } ana drachmas duas
 & semis.

Terræ sigillatæ, seu
 Boli Armenæ, }
 Lapidis Hæmatitis præparati, } ana unciam unam
 & semis.

Nucum Cupressi, unciam unam.

Misceantur exactè, & fiat Emplastrum lege artis ad
 usum servandum.

Laudatur ad Hernias, quoniam partes nimis laxas fir-
 mat, & constringit.

EMPLASTRUM CATAGMATICUM, VULGO

CONFORTATIVUM.

R. Radicum, & Foliorum Con-
 solidæ majoris, }
 Baccarum Myrthi, }
 Radicis Althææ, } ana uncias quatuor.
 Rosarum Rubrarum, }
 Foliorum Salicis, }
 Summitatum Hyperici, }

Incisa, & contusa in

Aquæ Chalybiatæ, libris novem.

360 PHARMACOPOEA MATRITENSIS.

Coquantur ad tertiæ partis consumptionem. Tum
Sume

Olei Olivarum, libras quatuor.

Sevi Hircini, libram unam.

Quibus liquatis, adde

Lithargyri Aurei, libras duas.

Exactè misceantur, & lento igne decoquantur sensim,
addendo decoctum supradictum, ad humiditatis ferè ex-
halationem, & tenuiorem Emplastri consistentiam, subin-
dè in eo liquefcent

Ceræ Citrinæ, libra una.

Terebinthinæ claræ, uncia tres.

Iterum coque ad justam consistentiam, & Emplastro ab
igne semoto, & semirefrigerato, insperge sequentia in pul-
verem redacta, nempe

Boli Armenæ præparatæ, . . . uncias quatuor.

Olivani, } ana uncias duas.

Myrrhæ, }

Mastiches, }

Sanguinis Draconis veri, . . . uncias tres.

Minii, uncias sex.

Misce, & fiat Emplastrum secundum artem.

Luxationibus, ac fracturis ossium à Chirurgis felici
effectu imponitur.

EMPLASTRUM AD HERNIAM, VULGO, CONTRA

RUPTURAM DE PELLE DICTUM.

R. Baccarum Myrthi contusarum, }
Lumbricorum terrestrium vino } ana uncias sex.
lotorum, }

Coquantur in

Aquæ Ferrariæ, libris octo.

Ad dimidias: cola, tunc

Sume

Decocti præscripti, libras tres.

Olei, libras duas.

Lithargyri, libram unam.

Frigidè in Cacabo æneo nutriantur, dein coquantur ad humiditatis consumptionem, & Emplastri mollis consistentiam, postea adjice

Cerae citrinæ, libram unam.

Picis nigræ,

Resinæ, } ana uncias novem.

Colophonix, }

Liquatis superadde

Gummi Ammoniacy,

Galbani, in Aceto

solutorum, & ad

mellis consistentiam

coctorum, } ana uncias quatuor.

Benè permixtis, ac ab igne Emplastro semoto, semique refrigerato, paulatim immisce pulveres sequentes: scilicet

Myrrhæ,

Thuris,

Mastiches,

Sanguinis Taurini, seu Por-

cini, vel Hircini, } ana uncias quatuor.

Collæ fortis,

Radicum Aristolochiæ longæ,

rotun-

dæ,

Consolidæ majoris,

minoris, } ana uncias tres.

Gallarum,

Boli Armenæ,

Gypsi,

Mumiæ, }

Zz

Et assiduè fortitèr agitando , fiat Emplastrum secundum artem.

Ad idem valet, sed majori cum efficacia.

EMPLASTRUM DE MELILOTO SIMPLEX.

R. Summitatum floridarum Meliloti , recentium, libras quatuor.

Incidantur , & contundantur in mortario marmoreo, ac immittantur in

Sevi Hircini liquefacti, libris quinque.

Coque lento igne ad humidi ferè exhalationem , Sevo fortitèr expresso , immisce

Resinæ , libras octo.

Ceræ flavæ, libras quatuor.

Et factum erit Emplastrum , usui asservandum.

EMPLASTRUM DE MELILOTO COMPOSITUM.

R. Massæ prædicti Emplastri, libras tres.
Liquefcat , & adde

Pulveris Florum Chamæmeli, . . } ana uncias tres.
Meliloti, }

Radicis Ireos, } ana unciam unam.
Althææ, }

Croci, unciam semis.

Gummi Ammoniacy, } ana uncias duas.
Bdellii, }

Foenugræci, unciam unam.

Terebinthinæ claræ, uncias sex.

Fiat Emplastrum secundum artem.

Anodynum, carminativum, resolutivum, & emolliens est; omnem stomachi duritiem, lienis, hepatis, ac aliorum viscerum, & reliquarum partium mollificat; flatus discutit, ac resolvit.

EMPLASTRUM DE CICUTA.

R. Cerae Citrinæ, } ana libram semis.
 Resinæ Pini, }
 Picis albæ, unciās septem.
 Gummi Ammoniāci, Aceto Scillitico soluti, &
 ad Emplastri formam inspissati, unciās octo.

Liquentur simul Balneo Maris.

Liquatis adde

Succi Cicutæ recenter extracti, & non defœ-
 cati, libras sex.

Agita spatulâ ligneâ, donec fœcula Succi cum massa
 resinosa intimè misceatur; dein remove ab igne. Superna-
 tantem, & ferè refrigeratum liquorem decanta.

Fiat Emplastrum secundum artem, addendo, si opus
 fuerit, pro Emplastri consistentia.

Olei Capparum, . . quantitatem sufficientem.

Potentissimum est resolvens & emolliens, hinc in
 Scirrhis, & tumoribus præcipuè Lienis, adhibetur.

EMPLASTRUM MAGNETICUM ARSENICALE.

R. Sagapeni, }
 Ammoniāci, } ana unciās tres.
 Galbani in Aceto Scillitico so-
 lutorum, }
 Cerae flavæ, } ana unciās quatuor,
 Terebinthinæ Venetæ, . . } & semis.
 Magnetis Arsenicalis in Alkool redacti, . . .
 unciās tres.
 Terræ Vitrioli lotæ, seu Colcotharis, unciām unam.
 Olei Succini, unciām semis.

Fiat Emplastrum lege artis.

Anthrācibus pestilentibus applicatum, illicò maturat,

Zz ij

364 PHARMACOPOEA MATRITENSIS.

rumpit, & venenum extrahit, ac certissimum etiam est præsidium contra scrophulas.

EMPLASTRUM DIAPHORETICUM.

R. Gummi Ammoniacy, uncias duas.
Galbani, unciam unam.
Solvantur in sufficienti Aceti quantitate ad pulvis formam, tunc

Ceræ flavæ, libram unam.
Terebinthinæ claræ, uncias tres.
Picis Græcæ, uncias quatuor.

Liquata invicem leni igne Cacao aëneo, separatim, & non nimis calidè superioribus gummatibus sensim, ac alternatim sub continua agitatione infusis; hinc etiam inspersiones successive pulveres, nempe

Gummi Bdellii, uncias quatuor.
Succini Citrini, uncias tres.
Olibani, } ana unciam unam.
Mastiches, }
Juniperi, drachmas sex.

Agitentur assidue donec omnia commista, atque exactè unita sint, & fiat Emplastrum usui servandum.

Discutit, serosam humiditatem absorbet, & extrahit: hinc in fluxionibus frigidis, ischiadico dolore, intumescencia pedum, parotidibus pituitosis, ubi suppurationi incumbere nolumus, efficaciter interservit.

EMPLASTRUM ODONTALGICUM.

R. Gummi Tacamahacæ, } ana unciam semis.
Elemi, }
Olibani, } ana drachmas duas.
Mastiches, }
Resinæ, unciam unam & semis.
Camphoræ, scrupulos quatuor.

Opīi, drachmam unam.
 Petrolei, quantitatem sufficientem.

Lento igne liquefiat Resina, dein admisce Gummi Ele-
 mi, postea pulveres cæterorum Gummi, & Opīi, ultimò
 Camphoram in Petroleo solutam: fiat Emplastrum secun-
 dum artem, cui Olei Caryophyllorum guttæ aliquot ad-
 miscebuntur.

In dentium doloribus proficit, temporibus applicatum.

EMPLASTRUM STOMACHICUM.

R. Cerae Citrinæ, libras duas, & semis.
 Terebinthinæ, libras tres.
 Gummi Tacamahacæ, . . libras duas & semis.
 Styracis, }
 Mastiches, } ana uncias quatuor & semis.
 Labdani puri, }
 Benzoini, }
 Caryophyllorum, } ana uncias duas, &
 Nucis Moschatæ, } drachmas duas.
 Olei distillati Menthæ, . . }
 Absynthii, } ana drachmas duas.

Misce, & fiat Emplastrum secundum artem.

Cera liquefiat, & in calenti mortario Labdanum, ac
 Styrax contendantur, donec mollescant, mox adde Te-
 rebinthinam, & Ceram liquefactas: dein insperge Gummi
 pulverata, jugiter agitando, ac cæteros pulveres, tandem
 fermè refrigerato Emplastro instilla olea essentialia, & fiat
 Emplastrum ad usum servandum.

EMPLASTRUM TACAMAHACÆ.

R. Tacamahacæ, uncias octo.
 Terebinthinæ, uncias quatuor.
 Liquefactis ad lentum ignem, & per linteum rarum
 colatis adde

366 PHARMACOPOEA MATRITENSIS.

Ceræ albæ, uncias duas.

Misce, & fiat Emplastrum secundum artem.

Imbecillitati stomachi opitulatur. Temporibus in dolore Capitis feliciter applicatur.

EMPLASTRUM MATRICALE.

R. Galbani in Aceto soluti ad Extracti liquidioris consistentiam cocti, uncias tres.

Paulatim calore lento misceatur cum

Terebinthinæ, uncia una.

Dein adde

Ceræ liquefactæ, uncias octo.

Tunc insperge sequentia in pulverem redacta, scilicet

Tacamahacæ, } ana unciam unam.

Assæ foetidæ, }

Myrrhæ, unciam semis.

Bdellii, drachmas duas.

Animæ, drachmas sex.

Castorei, } ana drachmas tres.

Cumini, }

Et forti agitatione exactissime misceantur, in fine adde

Olei Succini, drachmas duas.

Fiat Emplastrum lege artis.

Uteri affectibus prodest; calefacit, flatus dissipat, doloresque sedat, in suffocatione uteri, & strangulatione, umbilico impositum, proficuum valde.

EMPLASTRUM OXYCROCEUM.

R. Colophonix, } ana uncias quatuor.

Resinæ, }

Ceræ flavæ, }

Gummi Ammoniæ, } ana unciam unam,

Galbani, & semis.

Terebinthinæ, unciam unam & semis.

Gummi Aceto solvantur, ac ad mellis spissitudinem coquantur; Terebinthina, & Gummi inspissata permisceantur: interea Colophonia, Resina, & Cera lento igne liquefiant: his ab igne semotis tantisper refrigeratis, immisce diligenter Gummi, postea illico insperge pulveres sequentes, scilicet

Olivani,	} ana unciam unam & semis.
Mastiches,	
Myrrhæ,	
Croci,	

Fiat ex arte Emplastrum.

Ad ossa, & nervos contusos, dolores omnes ex contusione ortos, valet.

EMPLASTRUM GUILLERMI SERVITORIS.

R. Resinæ, } ana libras duas.
Colophoniæ, }
Cera, libram unam.
Terebinthinæ, uncias octo.

Liquefiant, & colentur, quibus adde

Pulveris Zingiberis, . . unciam unam & semis.

Baccarum Lauri, .	} ana unciam unam.
Sulphuris, . . .	
Seminis Anisi, .	
Nasturtii, . . .	
Summitatum Pule-	
gii,	
Thuris,	
Croci,	
Mastiches, . . .	
Caryophyllorum, .	
Cinnamomi, . . .	

368 PHARMACOPOEA MATRITENSIS.

Misce exactè, & fiat Emplastrum secundum artem.
Ad eisdem usus, ut Oxycroceum valet.

EMPLASTRUM BENEDICTUM.

R. Radicis Althææ, } ana uncias duas.
Arundinis, }
Iridis, uncias tres.

Incisæ, & contusæ macerentur in

Olei communis, libris tribus.

Dein coquantur ad humiditatis consumptionem, ut
Radices nigrescant: cola, & permisce

Cerussæ pulveratæ, uncias sex.

Tuthiæ præparatæ, uncias tres.

Coquantur, simul spatulâ semper agitando, donec
Emplastri consistentiam mollem acquirant, subinde adde

Ceræ Citrinæ, uncias quatuor.

Iterum coque ad debitam consistentiam, ac ab igne se-
moto, semique refrigerato, immisce

Balsami nigri Peruviani, unciam semis.

Agita optimè, & fiat Emplastrum secundum artem.

Ad maturanda, rumpenda, & sananda omnia aposte-
matum genera, aptissimum habetur.

EMPLASTRUM ANODYNUM.

R. Emplastri Diachyli minoris, . . . libram unam.
Ceræ albæ, uncias sex.
Axungia Gallinæ, }
Porcinæ, } ana uncias duas.
Sevi Hircini, }

Omnia liquefiant, & fiat Emplastrum lege artis.

Emollit, maturat, & ad suppurationem deducit; si-
mulque egregiè dolores mitigat, ac demulcet.

EMPLASTRUM ANDREÆ A CRUCE.

R. Resinæ puræ, uncias sexdecim.
 Gummi Elemi, uncias quinque.
 Terebinthinæ claræ, } ana uncias duas.
 Olei Laurini, }
 Cerae albæ, unciam unam.

Liquefiant, & colentur, fiatque Emplastrum secundum artem.

Ad pectoris, & capitis ulcera, & aliarum corporis partium confert; mundificat, glutinat, consolidat; fracturis & contusionibus etiam prodest.

EMPLASTRUM DE GALBANO CROCATUM.

R. Gummi Galbani in Aceto soluti, & inspissati, uncias sex.
 Emplastri Meliloti compositi, } ana uncias quatuor.
 Diachyli minoris, }
 Cerae flavæ, uncias duas.
 Terebinthinæ, unciam unam.

Galbanum, in Terebinthina lento igne mistum, cum Cera, & Emplastris liquatis uniatur, dein adde

Pulveris Croci, drachmas sex.

Misce, & fiat Emplastrum lege artis.

Commendatur ad emolliendos, & resolvendos tumores duros, ac scirrhusos, necnon ad sedandos, mitigandosque vehementes partium dolores.

EMPLASTRUM CARMINATIVUM.

R. Gummi Galbani, }
 Bdellii, } ana uncias tres.
 Ammoniacy, }
 Opii Thebaici, drachmas sex.

Aaa

370 PHARMACOPOEA MATRITENSIS.

Dissolve in Aceto Scillitico, cola, & inspissa ad Emplastrum consistentiam mollis, tunc adde

Ceræ Citrinæ,	} ana uncias tres.
Colophonæ,	
Terebinthinæ,	

Liquefactis, & semirefrigeratis, permisce

Pulveris Thuris,	} ana unciam unam
Myrrhæ,	

Balsami nigri Peruviani,	} ana drachmas sex.
Olei Philosophorum,	

Petrolei, drachmas tres.

Carvi distillati, drachmam unam.

Agita optimè, ut fiat Emplastrum secundum artem.

Ad Hydropem valet; flatus dissipat; tumores duros, frigidosque resolvit, colicos dolores mitigat; obstructions lienis, hepatis, & ventris inferioris aperit.

EMPLASTRUM BETONICÆ.

R. Succi Foliorum Betonicæ defœcati,
libram unam & semis.

Foliorum recentium Betonicæ,	} ana libram unam.
Plantaginis,	
Lauri,	
Apii,	
Verbenæ,	
Salviæ,	

Ceræ flavæ, uncias viginti.

Resinæ, libras duas, & semis.

Picis Græcæ, uncias quatuordecim.

Terebinthinæ, uncias sexdecim.

Mastiches,

Olibani,	} ana unciam unam.
Gummi Elemi purissimi,	

Liquefiant igne lento, liquatis adde herbas contusas,

& Succum, coque ad humiditatis ferè exhalationem. Cola & fortitè exprime. Superstiti massæ adde Pulveres Gummi Elemi, Mastiches, & Olibani. Misce optimè, ut fiat Emplastrum.

In contusionibus, & vulneribus Capitis potissimum commendatur.

EMPLASTRUM SPERMATIS CETI.

R. Cerae albæ, uncias quatuor.
 Spermatis Ceti, } ana uncias duas.
 Emplastri Diachyli minoris, }
 Olei Amygdalarum dulcium, sine igne extracti,
 unciam semis.

Fiat ex arte Emplastrum ad usum.

Sanguinem, & lac in primis grumofum, & coagulatum resolvere creditur, hinc sæpiusculè in Mammis, à lacte induratis, in usum venit.

EMPLASTRUM GALBANI.

R. Galbani Aceto præparati, . . . libram unam.
 Terebinthinæ, uncias quinque.
 Cerae, uncias octo.

Fiat ex arte Emplastrum ad usum servandum.

Tumores duros resolvere creditur, simul scrophulas, & tophos, eorumque sedare dolores; & clavis, callisque pedum convenire.

EMPLASTRUM DIASULPHURIS.

R. Florum Sulphuris, } ana libram semis.
 Terebinthinæ Venetæ, }
 Liquefiant simul igne lento, assiduè movendo, donec perfecta fiat solutio; tunc removeatur ab igne, & adde
 Terebinthinæ, libram unam.

Aaa ij

372 PHARMACOPOEA MATRITENSIS.

Agitentur usque refrikerint, ac iterum superadde

Ceræ Citrinæ, uncias sex.

Liquatis, & ab igne semotis, injice

Pulveris Myrrhæ, libras duas.

Camphoræ, uncias tres.

Misce optimè, & fiat ex arte Emplastrum usui servandum.

In hystericis passionibus, Umbilico applicatum, mirè prodest.

EMPLASTRUM SILIQUARUM.

R. Extracti Siliquarum, } ana libram semis.
 Roris marini, }
 Mellis, uncias duas.
 Emplastri contra rupturam,
 ad Hernias de pelle, } ana uncias quatuor.
 Resinæ Pini, }
 Picis Græcæ, }
 Ceræ Citrinæ, uncias sex.
 Croci Martis astringentis, . . . drachmas sex.
 Tincturæ Lapidis Hæmatitis astringentis, . . .
 unciam semis.

Fiat lege artis Emplastrum ad usum servandum.

Ad idem præstat, velut Emplastrum de Pelle Arietina, sed maximè in Puerorum rupturis convenit.

EMPLASTRUM IMPERIALE.

R. Emplastri Regii, seu contra
 rupturam, } ana uncias quatuor.
 Confortativi Vigonis, }
 De Pelle Arietina, }
 Emplastri Guillermi Servitoris, }
 Siliquarum, } ana uncias duas.

Croci Martis astringentis, . . . unciam semis.

Salis Saturni, . . . } ana drachmas duas.

Camphoræ, . . . }

Fiat omnium Emplastrum ex arte, usui servandum.

Ad abortum præcavendum pro specifico habetur.

CAPUT VI.

DE CADAVERUM CONDITURA.

PULVIS PRO CORDE CONDIENDO.

R. Nucis Moschatæ, . . . }
Benzoini, . . . } ana uncias quatuor.
Caryophyllorum, . . . }
Aloes, . . . }
Myrrhæ, . . . }
Cinnamomi, . . . } ana uncias octo.

Fiat omnium pulvis subtilis.

PULVIS AD INTERANEA CONDIENDA, CAVITATESQUE

IMPLENDAS.

R. Salis decrepitati, . . . libras sex.
Bituminis Judaici, . . . libras decem.
Aloes, . . . }
Myrrhæ, . . . } ana libras sexdecim.
Radicum Afari, . . . }
Zingiberis, . . . }
Iridis Florentinæ, . . . } ana libras tres.
Imperatoris, . . . }

Acori, seu Calami aromatici Officinarum,	}	ana libras tres.
Angelicae,		
Lignorum Cedrini,	}	ana libras duas.
Sassafras,		
Juniperi,		
Rhodii,		
Santali Citrini,		
Summitatum Absynthii,	}	ana libram unam.
Salviae,		
Roris marini,		
Stoechados,		
Menthæ,		
Sabinæ,		
Thymi,	}	
Lavendulae,		

Omnia ex arte in pulverem subtilem redigantur.

PULVIS AD CARNES REPLENDAS.

R. Caryophyllorum,	}	ana libram semis.
Nucis Moschatae,		
Radicum Acori,		
Enulae,		
Cyperi longi,		
Iridis Florentinae,	}	
Piperis albi,		
longi,		
Cinnamomi,		
Cassiae Caryophyllatae,	}	ana libras tres.
Corticis Winteri,		
Aloes,	}	ana libras duas.
Myrrhae,		
Olibani,		
Benzoini,	}	

Tacamahacæ, } ana libras duas.
 Bituminis Judaici, }
 Foliorum Thymi, }
 Lauri, } ana libram unam.
 Majoranæ, }
 Lavendulæ, libras duas.
 Fiat omnium ex arte pulvis subtilis.

BALSAMUM PRO CORPORE LORICANDO.

R. Styracis liquidæ, } ana libram unam
 Balsami Copaibæ, } & semis.
 Peruviani, }
 Oleorum Lavendulæ, } ana unciam semis.
 Thymi, }
 Nucis Moschatæ, libram semis.
 Fiat omnium ex arte Balsamum.

SPARADRAPPUS AD CONDITUM CORPUS
INVOLVENDUM.

R. Oleorum essentialium Citrei, }
 Lavendulæ, } ana uncias quatuor.
 Thymi, }
 Nucis Moschatæ, libram semis.
 Ceræ albæ, libras octo.
 Cerā igne lento liquecat, dein ab igne removeatur, &
 adde Olea essentialia, ut fiat ex arte Unguentum, in quo
 panni serici immergantur, & more solito fiat Sparadrappus.

SPIRITUS VINI CAMPHORATUS AD SINGULAS

LOTIONES CORPORIS CONDIENDI.

R. Camphoræ, libras duas.
 Spiritus Vini rectificati, libras duodecim.
 Dissolve secundum artem, & serva ad usum.

N O T A.

Quamvis multæ, & diversæ Pulverum Compositiones adversus Epilepsiam, aliasque nervorum affectiones *Capite de Pulveribus* (ut nemini dubium est) jam sint descriptæ, nimirum: *PULVERIS IMPERIALIS*, *DE GUTTETA*, *PULVERIS EPILEPTICI*, & *CEPHALICI MICHAELIS*; abs re non erit, hîc etiam *PULVERIS EPILEPTICI MARCHIONIS* adnectere compositionem: quippè, cùm ejus usus *MEDICIS MATRITENSIBUS* in ipsorum schedulis jam familiaris esse consueverit, opus est eam indicare.

PULVIS EPILEPTICUS MARCHIONIS.

R. Radicum Pœoniæ maris, uncias tres,
 Visci Quercini,
 Rasuræ Eboris,
 Ungulæ Alcis,
 Cornu Cervi,
 Spodii,
 Coralliorum Rubrorum,
 Alborum,
 Margaritarum præparatarum,
 Folia Auri, numero viginti.

} ana drachmas sex.

Fiat Pulvis subtilissimus.

Dosis à semisrupulo ad semidrachmam.

Non solum Pueris, sed etiam Adultis, Epilepticis motibus vexatis, commodè & utilitèr exhibetur.

